



Conselh  Generau d'Aran

*SNOWFEST PIRENEUS 2015. WELCOME TO THE WINTER. VAL D'ARAN. 27, 28 e 29 DE NOVEME*

## Compde ath darrèr entara hèsta dera nhèu mès relevanta des Pirenèus

- Era preséncia deth freerider aranés Aymar Navarro, bombons elaboradi peth mèstre pastissèr Oriol Balaguer, o era presentacion de cauçat e complements iuernaus dera colleccion capsula SarahWorld deth grop Sara Navarro, son bères ues des nauetats dera edicion de Snowfest Pirenèus 2015.
- Era Val d'Aran se vestís de hèsta entà arreceber era sason d'esquí d'enguan. Espòrt, musica, cinèma, mòda tecnica o gastronomia en un programa de dimenjada replet d'activitats restacades damb era nhèu, e entà toti es publics, en tot coincidir damb era dubertura des pistes de Baqueira-Beret.

Era **Associacion de Comercants e Empresaris de Vielha**, amassa damb **Baqueira Beret**, eth **Conselh Generau d'Aran** e diferents **ajuntaments dera Val d'Aran**, organizen ua dimenjada de hèsta entà celebrar era arribada der iuèrn. Un programa complet d'òci parallel a Winter Expo, un salon de materiau tecnic e de mòda d'iuèrn, qu'aurà lòc deth 27 ath 29 de noveme en Vielha, Baqueira-Beret, Salardú, Bossòst o Les. Er eveniment aufrís un programa replet d'activitats que rebaten es nauetats deth mon dera nhèu, er òci e era diversion.

**“Aquest ei eth tresau an qu'organizam aquest eveniment, -explique eth President dera Associacion, Antonio Beso- damb un programa fòrça mès atractiu. Era nòsta intencion ei que cada an sigue melhor, mès divertit e mès complet, e que s'assolide coma era melhor hèsta dera nhèu de tota Espanha e deth sud d'Euròpa”.**

Er Snowfest 2015 arrincarà eth **diuendres 27 de noveme** damb era inauguracion oficiau en Vielha, presidida per **Aymar Navarro**, pairin dera edicion d'enguan, er alugat dera **illuminacion de Nadau**, era convocatòria d'un **flashmob** entà barar e propiciar era sason de nhèu o era dubertura dera **rota de tapes** per diferents establiments de la Val d'Aran.



Eth **dissabte 28** peth maitin s'inaugurarà era **Winter Expo**, un salon de materiau tecnic de nhèu e mòda d'iuèrn que per prumèr an acuelh a petiti fabricadors des Pirenèus e non sonque a granes mèrques deth sector.

Tanben en recinte de Winter Expo, plaçat en Palai d'Espòrts de Vielha, **Oriol Balaguer**, un des melhors mèstres pastissèrs d'Espanha presentarà eth **Bombon Snowfest 2015** en ua degustacion publica. Era equipa de dessenh de SarahWorld, -mèrca joena deth grop **Sara Navarro**, cap deth sector de cauçat en Espanha-, presentarà tanben era **colleccion capsula SarahWorld** de sabates e complements d'iuèrn Eco-cold, Eco-chic damb era "première" dera **Bossa Pirenèus**, especiauments dessenhats peth Snowfest.

Era tarde deth dissabte arrincarà damb era projeccion deth vidèu "**Searching the Line**" d'**Aymar Navarro**, entà contunhar damb un espectacle de **patinatge artistic** que recree scènes d'"El Rey León", eth concèrt deth grop indie-ròck **Kid Wise** e ua session de musica electronica damb eth **DJ D-Yan**.

Era artesanian e era excellenta e substanciosa codina dera Val d'Aran meterà era nòta gastronomica damb ua exhibicion e tast de productes damb era "**Marca de Garantia Val d'Aran**" eth **dimenge 29**, en un mercat artesanau plaçat ena Plaça dera Glèisa de Bossòst, ath costat des bars e locaus de restauracion que s'an somat ar eveniment e qu'aufriràn, entre autes mòstres deth ric receptari dera Val d'Aran, es sòns famosi "pintxos" o er "andito" e era "mongeta" de Bossòst.

E fòrça mès, pr'amor que i aurà tanben desfilades de mòda, eth balh ar estil Bollywood, passes de documentaus restacadi damb era nhèu coma era projeccion eth primícia d'**Aguestes Montanhes**, ioga, visites guidades per bères ues des mès bères glèises romaniques d'Aran e un long eca d'activitats entà toti es publics. Eth programa culminarà damb eth sorteg de **forfaits** entara estacion de Baqueira Beret, **esquís**, e ua plaça entà **GORE-TEX Experience Tour**, ua expedicion de Freeriding ath costat d'**Aymar Navarro**, que debanarà enes isles Lofoten en 2016 aurfèrta per **Copos Ski-Center**..

Aguestes activitats son possibles gràcies ara colaboracion deth **Conselh Generau d'Aran**, **Torisme Val d'Aran**, **Baqueira-Beret**, es **Ajuntaments de Vielha e Mijaran**, **Bossòst** e **Naut Aran**, era **Deputacion de Lhèida** o eth **Consòrci de Comèrç, Artesania e Mòda de Catalonha (Generalitat de Catalonha)** e fòrça autes entitats e establiments colaboradors que s'an somat a ua celebracion dubèrta a toti, ua celebracion dera alegria, era natura e era nhèu.



## ***Snowfest Pireneus... Benvengut ar iuèrn***

Snowfest Pireneus ei un hestivau dera nhèu que neishec eth 2013 e qu'eth 2015 celèbre era sua tresau edicion deth 27 ath 29 de noveme, ena Val d'Aran (Lhèida), entà dar era benvenguda ar iuèrn enes Pirenèus.

Er eveniment diferéncie dus aspèctes: un Hestivau, damb activitats esportives, ludiques, artistic-culturaus, musicaus e gastronomicas a trauèrs d'un complet programa entà toti es publics que rebat era manèra de vida e es activitats de montanha mès destacada des Pirenèus centraus.

Ua hèira, damb eth salon d'iuèrn Winter Expo en Palai d'Espòrts de Vielha, a on s'exibiràn prumèras mèrques de nhèu (ròba tecnica e materiau d'espòrt), mòda d'iuèrn, es prepauses d'òci de torisme iuernau e era presentacion des eveniments dera sason de nhèu.